



3 Mei 2013
3 May 2013
P.U. (A) 151

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN ELEKTRIK (PINDAAN) 2013

ELECTRICITY (AMENDMENT) REGULATIONS 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA BEKALAN ELEKTRIK 1990
PERATURAN-PERATURAN ELEKTRIK (PINDAAN) 2013

PADA menjalankan kuasa yang diberikan oleh seksyen 53 Akta Bekalan Elektrik 1990 [Akta 447], Menteri membuat Peraturan-Peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Elektrik (Pindaan) 2013**.

(2) Peraturan-Peraturan ini mula berkuat kuasa pada 3 Mei 2013.

Pindaan Peraturan 2

2. Peraturan-Peraturan Elektrik 1994 [*P.U. (A) 38/1994*], yang disebut “Peraturan-Peraturan ibu” dalam Peraturan-Peraturan ini, dipinda dalam peraturan 2–

(a) dengan memasukkan selepas takrif “aksesori” takrif-takrif yang berikut:

““badan penilaian pematuhan” ertinya suatu badan penilaian pematuhan asing atau tempatan yang aktiviti dan kepakarannya termasuklah pelaksanaan bagi semua atau mana-mana peringkat proses penilaian pematuhan;

“badan penilaian pematuhan asing” ertinya suatu badan penilaian pematuhan yang mempunyai tempat perniagaannya di negara selain dari Malaysia dan negara itu telah memasuki suatu perjanjian pengakuan timbal balik dengan Malaysia;

“badan penilaian pematuhan tempatan” ertinya suatu badan penilaian pematuhan yang mempunyai tempat perniagaannya di Malaysia dan berdaftar dengan Suruhanjaya mengikut Peraturan 97B;”;

- (b) dengan memasukkan selepas takrif “Kontraktor Perkhidmatan Elektrik” takrif yang berikut:

““label penarafan kecekapan” ertinya suatu label yang menyediakan informasi tentang aras prestasi tenaga suatu kelengkapan sebagaimana yang dinyatakan dalam peraturan 101A;”;

- (c) dengan memasukkan selepas takrif “Perakuan Kelulusan” takrif yang berikut:

““Perakuan Pematuhan” ertinya Perakuan Pematuhan yang dikeluarkan oleh suatu badan penilaian pematuhan;”;

- (d) dengan memasukkan selepas takrif “peranti arus baki” takrif yang berikut:

““perjanjian pengakuan timbal balik” ertinya apa-apa perjanjian atau persetujuan antara Malaysia dengan mana-mana negara lain;”;

- (e) dengan memasukkan selepas takrif “perkakas” takrif yang berikut:

““pihak berkuasa akreditasi” ertinya Ketua Pengarah Jabatan Standard sebagaimana yang dinyatakan dalam Akta Standard Malaysia 1996 [Akta 549];”.

Pindaan peraturan 47

3. Subperaturan 47(1) Peraturan-Peraturan ibu dipinda–

- (a) dalam perenggan (b) dengan memasukkan selepas perkataan “kejuruteraan elektrik” perkataan “atau kejuruteraan elektrik dan elektronik”;

(b) dalam perenggan (c) dengan memasukkan selepas perkataan “kejuruteraan elektrik” perkataan “atau kejuruteraan elektronik”;

(c) dengan menggantikan perenggan (d) dengan perenggan yang berikut:

“(d) dalam hal seorang Jurutera Profesional dalam kejuruteraan elektrik, bahawa dia mempunyai tidak kurang daripada lima tahun pengalaman bekerja dalam persekitaran sektor tenaga yang kelengkapan elektriknya dikendalikan dan telah mempunyai pengalaman mengawal kelengkapan hidup;”;

(d) dengan memasukkan selepas perenggan (d) perenggan yang berikut:

“(da) dalam hal seorang Jurutera Profesional dalam kejuruteraan elektronik, bahawa dia mempunyai tidak kurang daripada lapan tahun pengalaman bekerja dalam persekitaran sektor tenaga yang kelengkapan elektriknya dikendalikan dan telah mempunyai pengalaman mengawal kelengkapan hidup;”.

Pindaan peraturan 97

4. Peraturan 97 Peraturan-Peraturan ibu dipinda dengan menggantikan subperaturan (1) dengan subperaturan yang berikut–

“(1) Tertakluk kepada peraturan 97C, 97D, 97E dan 101A, tiada seorang pun boleh mengilang, mengimport, mempamer, menjual atau mengiklan–

- (a) apa-apa kelengkapan domestik;
- (b) apa-apa kelengkapan voltan rendah yang biasanya dijual secara langsung kepada orang awam; atau
- (c) apa-apa kelengkapan voltan rendah yang tidak memerlukan kemahiran khusus dalam pengendaliannya,

kecuali kelengkapan itu diluluskan oleh Suruhanjaya.”.

Peraturan-peraturan baru 97A, 97B, 97C, 97D, 97E dan 97F

5. Peraturan-Peraturan ibu dipinda dengan memasukkan selepas peraturan 97 peraturan-peraturan yang berikut:

*“Pengiktirafan
badan penilaian
pematuhan asing.*

97A. (1) Bagi maksud memperakukan apa-apa kelengkapan di bawah peraturan 97, Suruhanjaya hendaklah memberikan pengiktirafan kepada suatu badan penilaian pematuhan asing, mengikut cara yang boleh ditentukan oleh Suruhanjaya.

Dengan syarat bahawa, badan penilaian pematuhan asing itu hendaklah diiktiraf, didaftarkan atau dilesenkan oleh pihak berkuasa relevan di dalam negara yang badan penilaian pematuhan asing itu menjalankan perniagaannya.

(2) Suruhanjaya hendaklah berhenti mengiktiraf suatu badan penilaian pematuhan asing di bawah subperaturan (1), jika pengiktirafan, pendaftaran atau lesen yang diberikan kepada badan penilaian pematuhan asing itu dibatalkan oleh pihak berkuasa relevan itu.

(3) Semua laporan ujian, perakuan, rekod atau fail